

10260199
137
57

列女
貞女
賢媛



蕪州志

新州志卷之十六

知新州事夏津潘克清纂修

人物志

列女

元明

國朝已旌節烈各款

未旌節烈各款

列女首旌節 綱常昭

恩典也我獎重於舍生守莫堅於不字故烈婦貞女次之 行儀立而後家道成故賢媛又次之未旌諸節探輿論合者胥著於篇要以年與例為斷云志列女已旌節婦

新州志

卷十六

列女

元

張總管二烈女 長女三十一次女二十九俱未適人

元至正辛卯寇兵逼斬二女其父相失聞以肆擄掠相泣言口我等宦家子不可為賊所辱遂至蓮花池投水死今烈女墩尚存 詩詳藝文

明節婦

分年商編錄

夏氏 州民張思清妻年十八守志無子立姪文明為後家賞雖厚而文綺不加於體以節終 通志

呂氏 清平衛呂仲貞之女州民陳溥之妻溥幼隨父

從戎於清平因娶焉溥亡氏年甫十八生一子溥父
以老疾告還呂家欲畱之氏誓歸斬與遺孤同生死
及歸事舅姑盡禮人以爲難年八十三卒 通志

李氏 生員瞿平妻憲副李公鑑池女年十八守志以
苦節終年六十四卒建坊詳藝文志本傳

顧氏 黃陂孝廉劉廷桂子鉞妻貢生顧天錫同母姊
氏適鉞甫十八日鉞赴童子試至團頭河覆舟死屍
潰氏抱痛哭翦髮垢面苦節自甘既而舅姑及夫之
兄弟皆死無所歸仍歸於顧而顧之長兄弟亦皆死

新州志

卷十六

列女

二

惟存一弱弟與之相依顧氏頗有中貲無厲者利其
產數以挺刃相加氏竭力措在卒全顧氏之家已而
張獻逆亂作氏偕弟避於江寧壽七十四卒姪景星
以喪歸合鉞墓事聞 旌卹 通志 傳詳藝文

劉氏 生員馬廷實妻年二十守志家貧績維供姑撫
遺孤如駕成諸生如駕又卒孫甫三歲同媳潘氏撫
之萬曆二年建坊州東門外酈家坡 通志

黃氏 生員朱用謙妻年二十守志撫子垓成諸生苦
節四十餘年垓徒步入都請得 旌 通志

廖氏 典史張忠祿妻年二十一守志生二子克懋克
恕祿病革以母老子弱爲憂氏斷食指與之盟忠祿
卒家貧氏紉緝養姑稱孝婦撫二子成諸生年六十
四卒節已報部 通志

吳氏 州民陳元妻年二十二守志子佳甫四歲氏惟
紡績自給貞操之節人無異議年六十七卒

傅氏 生員晏文明妻誥封郡丞印臺伯母年二十二
守志無子視印臺猶己子憲副元灝及諸孫輩皆所
撫摩成就年七十五卒 通志

新州志

卷十六

列女

三

陳氏 州民羅冠妻年二十三守志撫二子姑吳氏老
疾氏勤紡績以供孝養苦節三十餘年 通志

黃氏 生員田祿妻年二十四守志家貧不能具饘粥
矢志弗渝勤女工撫遺孤鑛鑰成立年七十三卒

按省志列斬水誤

張氏 主事壽儒妻氏江夏人年二十八儒卒時儒已
取科第爲工部都水主事未獲與賜恩之典氏撫遺
孤及長訓戒諄諄不少寬假伯子濂以貢仕仲芸亦
克成立氏以壽終

潘氏 州民易宗元妻年二十八守志子東初甫一歲氏痛哭嘔血以死自誓卒能不易所守壽八十一通志

劉氏 生員楊杲妻與國員外郎劉守愚之姊年二十

八守志無子撫姪芳為嗣芳本生父楫亦早逝楫妻

華氏年未二十與劉謀芳得登嘉靖庚子賢書芳又

卒芳妻田氏無子勵志同守劉華年逾八十卒田年

六十三卒通志

按舊通志載有楊杲妻華氏年未二十而杲卒課子

芳舉於鄉考州舊志楊杲妻實劉氏又芳乃楫之子

蕪州志

卷十六

列女

四

則華氏乃楊楫妻應附杲妻劉氏傳中

李氏 州民張熙妻萬曆二十九年建坊菩提壩通志

黃氏 生員陳九德妻年二十九守志撫二子因圓貧

居力作以供束脯皆成諸生氏姊適朱用謙年二十

寡亦能苦節時有黃女雙節之稱

朱氏 安平鄉生員李震妻年三十守志撫三子成立

年八十五卒

龐氏 登仕郎王懋仁妻御史王珙祖母以貞節著珙

陳其狀於朝建坊鳳山麓通志

貞女

鄭麻姑 董某聘妻鄭崇德女未婚而董卒女聞慟甚
建幽室留隙以受飲食鑿盆為浣濯具終日績麻其
中遂名麻姑其盆名老女盆至今存以績賞置田租
九石為女祀產

孝婦

翟氏 生員楊權母年少守志姑病刲股以進孀居三
十餘年教權為名諸生年六十餘卒
孝女

蕪州志

卷十六

列女

五

徐女 年甫十二母病刲股救之愈

烈婦

楊氏 生員盧紱妻崇禎癸未獻逆毀城氏被擄賊攜
至趙州關欲負之以行氏給之曰我自能行攜母朱

氏手至火起處投烈焰中焚死

一統志 通志
詩傳詳藝文

袁氏 生員盧震初妻年二十二獻逆陷城氏度不能
免拜辭舅姑抱週歲子投井死時督學堵公有一門
節義之褒謂氏與楊也 通志

陳氏 生員王從禮妻生員陳治策女從禮幼有痼疾

氏解奩以佐藥餌凡八年禮卒氏孝事舅姑兼撫三子應龍夢龍御龍垂四十年明末避難至鄂城破氏指庭間井謂二子婦曰未亡人已得死所若輩亦有意乎二婦再拜先下井氏取悅履標之井榦亦隨投井死 通志

烈女

張氏 生員張文秀女正德中霸州賊劉六等出秦淮漸逼蘄文秀挈妻女避江南大山磯窟中賊搜獲欲汚之女罵不從並其母邱氏遇害

按一統志並通志載張烈女避難江南遇害今合廬志錢志攷之只載張文秀女同母邱氏遇害一事一統志與通志作兩人誤

國朝已旌節婦

張氏 吳奎佐妻年十八守志撫三月孤苦節三十五年乾隆六年 旌 府志

張氏 宋景榮妻 陳氏 生員宋之煌妻 范氏 生員宋世駒妻張年十九守志撫遺腹子之煌煌生子世駒俱早逝煌妻陳氏駒妻范氏皆守志乾隆八

年以一門三節 旌 府志

張氏 監生桂佐廷妻年十九守志遺腹生一女無子

撫姪登岱為嗣苦節五十七年乾隆十五年 旌 府志

朱氏 童扶九妻年二十守志苦節五十一年乾隆十

八年 旌

陳氏 張士模妻年二十守志撫遺腹子事祖姑以孝

聞苦節三十三年乾隆二十年 旌

董氏 王溥懷妻年二十一守志生一女無子忍死自

守以奉舅姑閉幃不出二十餘年撫姪德顯為嗣苦

新州志 卷十六 列女 七

節五十四年乾隆五年 旌

陳氏 楊眉公妻年二十一守志無子撫姪為嗣乾隆

六年 旌 府志

張氏 貢生陳信古妻年二十一守志無子撫姪舉為

嗣一夕大雷雨室圯氏母子俱無恙人謂苦節或有

呵護云乾隆九年與姑吳氏以雙節 旌 府志

宋氏 汪執信妻年二十一守志却鉛華足不踰梱撫

子之岳成諸生苦節三十二年乾隆十年 旌 府志

石氏 處士高自見妻年二十二守志子培甫二歲氏

當難離之時誓以死守孝事舅姑事繼姑亦如之教子培成立以恩貢由同知累遷知府轉升溫處道荷覃恩封恭人卒

李氏 生員張仕繩妻生員李宗嶠女年二十二守志撫子正珩年二十四又卒婦何氏遺腹生文煜氏復撫之成立苦節四十四年乾隆三年旌

郭氏 張復禮妻生員郭從女年二十二守志家貧無子氏毀面厲耳誓不再適依母家紡績壽七十三卒乾隆五年旌 府志

新州志

卷十六

列女

八

易氏 馮元凱妻孝廉易時憲女年二十三守志無子元凱弟婦俱亡遺一姪氏愛如己子苦節五十五年乾隆九年旌 府志

吳氏 陳法虞妻年二十二守志撫孤成立事祖姑盡孝乾隆九年旌 府志

周氏 生員熊楚斬妻于歸月餘夫卒年二十二守志無子撫姪爲嗣常於密室奉大士像禮拜以祝舅姑壽乾隆十一年旌

吳氏 陳斯祐妻年二十三守志紡績以奉繼姑撫六

月孤成立苦節三十三年乾隆十二年 旌 府志

鄧氏 吳元桂妻年二十三守志甘貧苦節乾隆十二年 旌

董氏 蕭良楫妻年二十三守志事繼姑有加禮課子 韶嚴四世同居一門雍睦苦節三十年乾隆二十年 旌

旌

陳氏 劉崇文妻年二十三守志姑余氏年八十八服 勞奉養無間寒暑子二長松次栢俱撫以成名苦節 三十八年乾隆二十年與姑以雙節 旌

新州志

卷十六

列女

九

王氏 程代遠妻年二十三守志姑高以節孝聞氏親 操井臼勤紡績撫子巖成名苦節三十五年乾隆二 十年與姑以雙節 旌

張氏 董開智妻諸生張梗女年二十四守志無子遺 腹生一女甘貧守義撫姪炤為嗣教以成名年六十 卒雍正二年 旌 府志

王氏 張大綸妻年二十四守志舅姑老二子翼軫俱 幼氏養老撫子後次子及兩媳並喪又撫諸孫孫媳

程氏亦青年守志氏苦節五十餘年雍正三年 旌

府志

錢氏 陳旣均妻年二十四守志長子觀文方二歲遺

腹生觀武家貧苦節撫子成立雍正三年 旌 府志

駱氏 張仕超妻年二十四守志無子撫姪正驥正紀

為嗣乾隆五年 旌 府志作仕起

詹氏 陳法賜妻年二十四守志撫一歲孤事舅姑盡

孝乾隆九年 旌建坊青石嶺 府志

吳氏 駱抒懇妻年二十四守志生一女無子立姪為

嗣撫之成立乾隆十年 旌 府志

蘄州志

卷十六

列女

十

孫氏 周延光妻年二十四守志撫孤良弼成立氏少

穎異能誦內則諸篇奉姑孝謹純篤性成苦節七十

六年壽九十九乾隆十年 旌 府志

王氏 顧燕定妻諸生開烈女年二十四守志遺孤甫

六月撫之五歲而殤燕定幼姪又喪母而孀姑復值

衰年氏奉姑撫幼咸盡其道苦節三十五年乾隆十

三年 旌 府志

李氏 張仕治妻生員李之蒼女年二十四守志斷髮

納棺中專嫡庶兩姑惟謹撫孤成立苦節三十餘年

乾隆二十年 旌

汪氏 田仁浹妻年二十四守志遺孤大受甫六月時夫兄嫂亦相繼亡遺姪大樑僅五歲氏撫立成諸生旋大受與大樑俱生子早逝氏復撫已孫與姪孫三世同居戒母析箸苦節五十五年乾隆二十年 旌

建坊

胡氏 何世灝妻年二十四守志無子誓死靡他姑諭以夫弟生子為之立後氏感姑言奉事惟謹後母氏欲奪其志遂投繯死時黨族親鄰皆書額以褒其烈

新州志

卷十六

列女

十一

云

張氏 田之紀妻年二十五守志遺一孤甫三月家貧夫兄將更嫁之氏引刀刺面乃已鄰里憐之為別置屋以居俾磨豆作生活養姑哺子自食豆屑撫夫姪成立苦節三十六年乾隆十二年 旌 府志

柯氏 洪方谷妻年二十五守志撫遺腹子苦節三十九年乾隆十二年 旌 府志

余氏 生員劉鏞妻年二十五守志事姑以孝聞撫子崇文年二十四卒氏與媳陳撫孫成立苦節六十三

年乾隆二十年以姑媳雙節 旌

王氏 生員張棻妻年二十六守志遺子女各一撫子
仁壽成立姑歿倍服衰麻以伸夫志苦節四十年乾
隆五年 旌 府志

張氏 王有憲妻 胡氏 王德駟妻張年二十六守
志撫孤德駟又卒媳胡氏生子承彬甫三月亦守志
各苦節三十九年乾隆十二年以姑媳雙節 旌 府志

王氏 生員董開勳妻年二十六守志撫遺腹子家貧
灌園紡績勲叔父母無子生養卒葬氏身任之苦節

蘄州志

卷十六

列女

三

四十六年乾隆十五年 旌

金氏 生員李澤潤妻廣濟翰林檢討金德嘉女年二
十七守志奉姑與同臥起姑嘗曰老人苦中得甘惟
節婦是賴耳教子永芬成諸生年六十五卒雍正二
年 旌建坊官井 府志

居氏 童應修妻濟邑生員居大祐女年二十七守志
遺孤有稔全任接驗鄰婦江氏馮氏家貧少寡氏每
出餘貲相助以成其操教子接驗成諸生孫嶧訥諸
生繼乾隆壬申副榜三世同居皆氏教也乾隆十二

年旌 府志

高氏 江有宗妻年二十七守志撫孤成立苦節四十五年乾隆十七年 旌

鄭氏 王民懷妻年二十八守志撫子德驗後德驗夫婦繼亡孤成宗幼立民懷姪華封為嗣娶沈氏而華封又卒氏與沈共撫承宗娶胡氏而承宗又卒三寡子立形影相弔族人為沈立嗣子岱為胡立嗣子瑛

苦節五十五年乾隆六年 旌 府志

呂氏 劉峯妻年二十八守志撫二子苦節三十六年

新州志 卷十六 列女 三

乾隆六年 旌 府志

陳氏 胡備三妻年二十八守志撫子宗謙成名苦節五十五年乾隆六年 旌 府志

張氏 李來亨妻年二十八守志事姑孝謹撫孤成立乾隆十年與子由虞以孝行並 旌 府志

張氏 生員張樞妻濟邑生員張左黃女年二十八守志遺孤點朝柱煥葵教朝柱成諸生苦節三十二年

乾隆十二年 旌 府志

朱氏 吳先執妻年二十八守志姑老病脫齒嚼米

供朝父子三洪道洪美撫之成立儀度成諸生孫曾
五十人苦節六十年乾隆十七年 旌

陳氏 王作霖妻年二十九守志性至孝事繼姑及祖
姑惟謹綜理家政教子德滋成諸生德溢亦成立乾

隆五年 旌 府志

張氏 候補知縣陳治猷繼妻 劉氏 陳治猷側室

張年二十九守志劉年二十五守志張無子劉生子
文藻治猷元配葉氏早亡生子文獻二氏撫如已出
文獻卒復撫兩孫成立張守節二十年劉守節四十

新州志

卷十六

列女

古

九年俱乾隆七年 旌 府志

易氏 生員王亮猷妻年二十九守志無子撫姪開畿
為嗣娶媳而卒氏與媳張氏相依撫三孫世永世澍

世湛俱成名乾隆八年 旌 府志

沈氏 管宗咸妻年二十九守志撫孤次子樸成諸生

乾隆十年 旌 府志

張氏 生員葉舒鵠妻年二十九守志子三遺腹一撫
之成立後多相繼亡末媳韓年二十無子亦守志氏
立長子之子芬為其後族有梁氏者寡而貧氏收之

俾得所教少子燦昱成諸生苦節三十八年乾隆十二年旌 府志

田氏 陳芳軾妻年二十九守志撫兩遺孤及一孤姪皆成名初芳軾弟早亡弟婦宋氏亦守志氏與宋力支數喪形影相弔人稱雙節宋早逝未旌田氏乾隆十二年旌

按芳軾卽學坡錢志誤作兩人

張氏 胡啟商妻年二十九守志撫二孤長浚早卒媳方亦守志氏苦節三十九年乾隆十三年旌 府志

新州志

卷十六

列女

五

何氏 生員李本綦妻年少守志撫子坦與澤厚值風雨暴至壞墻屋氏與二子俱無恙鄉里驚爲神護後子坦知趙州迎養署中進以縑衣却之年八十三卒贈宜人康熙三十七年旌建坊曹家巷 府志

諸氏 生員李之璫繼妻紹興人年少守志以父尉斲適璫生子槃甫三月綜理家政教夫元配三子桂采楠及槃俱成名婢駱高氏早寡與氏同榻終節年五十八卒雍正三年旌 府志

熊氏 監生王琦妻茶陵知州王應昌長女年少守志

遺二子事姑撫子並著慈孝雍正三年 旌 府志

陳氏 梅春幹妻年少守志撫子希中成立雍正三年

旌建坊崇居鄉 府志

吳氏 監生陳正芳妻年少守志遺二子俱幼夫病篤

時氏齧指血滴夫掌中誓以養親撫孤自任服闋歸

窻其母勸以改適氏痛哭奔回剪髮焚夫靈前終身

不至母家撫子信古述古俱成名苦節三十四年雍

正九年 旌 府志

顧氏 李永觀妻景星女幼讀內則女誠諸書明禮義

蕪州志 卷十六 列女 六

年二十八守志事祖姑何存沒盡禮教子敷生成明

經年六十二卒乾隆二年 旌 府志

羅氏 張必相妻年少守志性至孝通曉大義明末寇

難韓總戎招必相運籌幕府必相散已產給土寇使

歸為農皆氏助成之相卒子拱辰亦早世與媳王氏

各終節乾隆五年以姑媳雙節 旌 府志

蔡氏 張盛濤妻 田氏 張盛熹妻乾隆五年以娣

姒雙節 旌 府志

嚴氏 田本起妻 徐氏 田本貴妻均年少守志二

氏夫本弟兄皆早卒各撫二子乾隆六年以娣姒雙節旌府志

張氏 張宗霖妻 朱氏 張明萬妻姑媳皆年少守志乾隆八年以姑媳雙節旌府志

李氏 陳欲瑛妻生員李宗嶠女年少守志無子或欲嫁之氏剪髮厲面以拒立姪洪樞為嗣乾隆九年旌府志

鄧氏 吳又岡妻年少守志苦節三十六年乾隆九年旌府志

新州志

卷十六

列女

七

張氏 余藩妻年少守志以節終乾隆九年旌詳藩

傳府志

張氏 監生呂琮妻年少守志遺一子復天立姪寅亮為嗣教之成立苦節三十六年乾隆十二年旌府志

章氏 張復俊妻濟邑生員章亮采女年少守志家貧勤紡績撫孤有伸又卒偕孀媳撫孫成立苦節五十四年乾隆十四年旌

李氏 王鎬衍妻年少守志撫孤茂清就傅時修脯皆取給女工後得成就年六十七卒乾隆十八年旌

田氏 龔渭泚妻 王氏 龔臣安妻渭泚卒田翦髮

附棺矢志不二子臣安又卒媳王氏繼姑志撫子文

海文魁田苦節五十五年王苦節三十五年乾隆二

十年以姑媳雙節 旌

高氏 程世瑛妻年少守志撫孤代遠不事膏沐言不

出梱後子代遠卒媳王氏亦守志乾隆二十年以一

門雙節 旌

貞女

范姑 張士灝聘妻字倩仙父愷吳縣人以明經判興

蘄州志

卷十六

列女

六

國州遂家焉倩仙幼穎慧父母愛而教之稍長通書

史兼善吟咏年及笄未婚而士灝卒倩仙聞訃力求

奔喪父母不能奪比至士灝家執喪哀毀如婦禮以

書別其父曰兒義不復歸遂畱事舅姑立伯子榿為

嗣年五十三卒著有耐寒詩草康熙五十六年 旌

詩詳
藝文